



7625 N. Palm Ave., Suite #109
Fresno, CA 93711
www.CalVivaHealth.org

Nplooj Ntawv Txhab Ntxiv Qhia Txog Kev Hloov Pauv Ntawm Phau Ntawv Qhia Rau Tus Tswv Cuab Ntawm CalViva Health

Nws muaj ntau yam kev hloov pauv rau koj Phau Ntawv Qhia Rau Tus Tswv Cuab uas tau muab piav qhia rau hauv nplooj ntawv txhab ntxiv qhia txog kev hloov pauv. Tam sim no, hom lus uas pom muaj nyob rau hauv qab no yog ib feem ntawm koj Phau Ntawv Qhia Rau Tus Tswv Cuab.

CalViva Health nyob ntawm no txaus siab yuav pab koj. Yog hais tias koj muaj lus nug dab tsi, thov hu rau tus xov tooj hu dawb **1-888-893-1569 (TTY 711)**. CalViva Health nyob ntawm no 24 teev hauv ib hnuv, 7 hnuv hauv ib lub lim tiam, los sis mus saib peb hauv online ntawm www.CalVivaHealth.org.

3. Yuav txais kev saib xyuas kho mob tau li cas

Cov ntawv xa

Koj tus PCP los sis lwm tus kws kho mob tshaj lij yuav muab koj xa mus ntsib ib tug kws kho mob tshaj lij raws lub sij hawm uas teev tseg rau hauv ntu "Kev nkag tau mus rau kev saib xyuas kho mob kom ncav sij hawm" ntawm phau ntawv qhia no, yog tias koj xav tau. Tus kws kho mob tshaj lij yog ib tug kws kho mob uas muaj kev kawm txhab ntxiv txog ib feem ntawm cov tshuaj kho mob. Koj tus PCP yuav ua hauj lwm nrog koj los xaiv ib tug kws kho mob tshaj lij. Koj tus PCP lub chaw ua hauj lwm tuaj yeem pab koj teeb caij mus cuag tus thawj kws kho mob tshaj lij tau.

Lwm cov kev pab cuam uas tej zaum yuav tau muaj kev xa mus rau suav nrog cov txheej txheem kho mob hauv chaw ua hauj lwm, kev xoo duab hluav taws xob (X-ray), kev kuaj mob hauv chav kuaj mob, thiab qee cov kev pab cuam los ntawm tus kws kho mob tshaj lij.



7625 N. Palm Ave., Suite #109
Fresno, CA 93711
www.CalVivaHealth.org

Koj tus PCP tuaj yeem muab ib daim foos rau koj nqa mus rau tus kws kho mob tshaj lij. Tus kws kho mob tshaj lij yuav sau daim ntawv foos thiab muab xa rov qab mus rau koj tus PCP. Tus kws kho mob tshaj lig yuav kho mob rau koj kom ntev npaum li qhov lawv xav tias koj tseem xav tau kev kho mob.

Koj tus PCP yuav pib tus txheej txheem ua ntawv xa mus. Koj tus PCP yuav paub tias seb koj puas yuav tsum tau txais kev tso cai los sis seb koj cia li tuaj yeem teem sij hawm ncaj qha xwb. Yog hais tias koj muaj lus nug dab tsi txog tias seb kev saib xyuas kho mob los ntawm tus kws kho mob tshaj lij los sis los ntawm lub tsev kho mob puas xav tau kev tso cai, ces koj tuaj yeem hu rau Lub Chaw Muab Kev Pab Cuam Tswv Cuab ntawm 1-888-893-1569 (TTY 711). Kev khiav ntaub ntawv xa mus li ib txwm siv sij hawm txog 5 hnuv ua hauj lwm los lis kom tiav (“cov hnuv ua hauj lwm” yog Hnuv Monday txog Friday), tiam sis tej zaum yuav siv txog 28 hnuv (14 hnuv txij hnuv pib thov ntxiv rau 14 hnuv muab ntxiv yog hais tias muaj kev thov txuas sij hawm) yog hais tias muaj kev xav tau ntaub ntawv ntxiv los ntawm koj tus PCP. Nyob rau qee zaus, tej zaum koj tus PCP yuav thov kom ua kom maj rawm me ntsis rau koj qhov kev xa mus. Kev xa mus kom nrawm (sai), suav nrog kev xa mus kav ntev rau cov xwm txheej los sis tus kab mob uas pom tseeb tias xav tau kev saib xyuas kho mob tshwj xeeb nyob rau lub sij hawm ntev thiab muaj kev phom sij rau lub neej, yuav mob hnyav zuj zus tuaj, los sis yuav ua rau xiam oob qhab, ces yuav tsum tsis txhob siv sij hawm ntev dua 72 teev. Thov hu rau CalViva Health yog hais tias koj tsis tau txais lus teb nyob rau cov sij hawm no.

Yog tias koj muaj ib qho teeb meem fab kev noj qab haus huv uas xav tau kev saib xyuas kho mob tshwj xeeb rau ncuaj sij hawm ntev, koj yuav tau siv ib daim ntawv xa mus kav ntev. Qhov no txhais tias koj tuaj yeem mus cuag tib tug kws kho mob tshaj lij tau ntau tshaj ib zaug yam tsis tag ua ntawv xa mus txhua zaus.

Yog hais tias koj muaj teeb meem rau kev thov daim ntawv xa mus kav ntev los sis xav tau ib daim ntawv theej ntawm CalViva Health tsab cai hais txog kev xa mus, ces hu rau 1-888-893-1569 (TTY 711).

Koj tsis tas siv ib daim ntawv xa rau:

- Kev mus saib tus PCP
- Kev mus ntsib rau Kev Kuaj Me Nyuam Hauv Plab/Kev Loj Hlob Me Nyuam Hauv Plab (OB/GYN)
- Kev mus ntsib rau kev saib xyuas kho mob xwm txheej ceev los sis ti tes ti taw
- Cov kev pab cuam uas yuav ua rau muaj kev txaj muag rau cov neeg loj, xws li kev saib xyuas kho mob rau kev quab yuam mos deev



7625 N. Palm Ave., Suite #109
Fresno, CA 93711
www.CalVivaHealth.org

- Cov kev pab cuam kev tsim phiaj xwm rau tsev neeg (txhawm rau kawm paub ntxiv, hu rau Lub Chaw Muab Kev Paub Txog Kev Tsim Phiaj Xwm Rau Tsev Neeg thiab Kev Pab Cuam Kev Xa Mus ntawm 1-800-942-1054)
- Kev kuaj thiab kev sab laj txog kab mob HIV (hnuv nyoog 12 xyoos nce mus)
- Cov kev pab cuam rau cov kab mob sib kis los ntawm kev sib deev (hnuv nyoog 12 xyoos nce mus)
- Cov kev pab cuam chiropractic (tej zaum yuav tsum tau muaj ntawv xa mus thaum muab kev pab cuam los ntawm cov FQHCs, RHCs thiab IHCPs uas nyob rau pab pawg koom tes sab nrauv)
- Kev ntsuam xyuas kev mob puas hlwb thawj zaug
- Kev nkaug koob (thawj ob qho kev pab cuam rau ib lub hlis; kev teem caij kho mob ntxiv yuav tau muaj daim ntawv xa mus)
- Cov kev pab cuam kho ko taw
- Cov kev pab cuam kho hniav uas tsim nyog
- Kev saib xyuas tus me nyuam hauv plab los ntawm ib tug kws kho mob uas ua hauj lwm nrog CalViva Health
- Cov kev pab cuam kws pab yug me nyuam uas muaj ntawv lav loo
- Kev tsuam xyuas kev noj qab haus huv fab kev coj tus cwj pwm xub thawj los ntawm tus kws kho mob kev noj qab haus huv fab kev coj tus cwj pwm uas ua hauj lwm nrog CalViva Health

Cov me nyuam me kuj tseem yuav tuaj yeem tau txais qee cov kev pab cuam kho mob puas hlwb rau neeg mob sab nrauv, cov kev pab cuam kev saib xyuas kho tus mob uas yuav ua rau muaj kev txaj muag thiab cov kev pab cuam rau kev vwm yeeb tshuaj yam tsis muaj kev pom zoo ntawm niam txiv. Hais txog rau cov ntau ntawv qhia paub ntau ntxiv ces mus nyeem “Cov kev pab cuam uas tus me nyuam me tuaj yeem muab kev pom zoo tau” thiab “Cov kev pab cuam kev vwm yeeb tshuaj” nyob hauv phau ntawv qhia no.



7625 N. Palm Ave., Suite #109
Fresno, CA 93711
www.CalVivaHealth.org

Kev Xa Mus raws California Tsab Cai Hais Txog Kev Muaj Vaj Huam

Sib Luag Rau Kev Mob Khees Xaws

Kev kho mob khees xaws cov nyom kom tau txais txiaj ntsig zoo yog nce rau ntau yam xws li kev tau txais kev kuaj mob kom rauq thiab kev tau txais kev kho mob kom ncav sij hawm los ntawm cov kws kho mob tshaj lij txog kab mob khees xaws.

Yog tias koj rauq kuaj pom muaj mob khees xaws cov nyom, ces California Tsab Cai Hais Txog Kev Muaj Vaj Huam Sib Luag Rau Kev Mob Khees Xaws tshiab yuav tso cai rau koj thov kev xa mus los ntawm koj tus kws kho mob kom tau txais kev kho mob khees xaws tshwj xeeb los ntawm lub chaw kho mob khees xaws uas tau teev tseg los ntawm lub National Cancer Institute (NCI) hauv pab pawg sib koom tes, NCI Community Oncology Research Program (NCORP)- cov chaw uas sib koom tes, los sis lub chaw kho mob khees xaws fab txuj ci uas tsim nyog.

Yog tias CalViva Health tsis muaj ib lub chaw kho mob khees xaws uas tau teev tseg los ntawm NCI hauv pab pawg koom tes ua ke, ces CalViva Health yuav tso cai rau koj thov kev xa mus kom tau txais kev kho mob khees xaws los ntawm ib lub chaw kho mob nyob rau pab pawg koom tes sab nrauv hauv California, yog tias ib lub chaw kho mob nyob rau pab pawg koom tes sab nrauv thiab CalViva Health pom zoo rau kev them nyiaj, tshwj kiaq tias yog koj xaiv mus ntsib lwm tus kws kho mob khees xaws lawm xwb.

Yog tias koj rauq kuaj pom muaj mob khees xaws, ces tiv tauj rau CalViva Health seb koj puas tsim nyog tau txais kev pab cuam los ntawm ib lub chaw kho khees xaws no.

4. Cov txiaj ntsig thiab cov kev pab cuam

Cov txiaj ntsig ntawm Medi-Cal uas tau txais kev pab them nqi los ntawm CalViva Health

Cov kev pab cuam (rhais chaw mus los) rau tus neeg mob sab nrauv

Kev ntsuam xyuas kev noj qab haus huv fab kev cim xeeb

CalViva Health pab them nqi rau kev ntsuam xyuas kev noj qab haus huv fab kev cim xeeb ib xyos ib zaug rau cov tswv cuab uas muaj hnuv nyoog 65 xyos nce mus, thiab cov uas tsis muaj cai tsim nyog tau txais qhov kev ntsuam xyuas uas zoo sib xws ua ib feem ntawm kev mus ntsib kws kho mob kom muaj kev noj qab nyob zoo ib xyos ib zaug hauv Lub Khoos Kas Medicare. Qhov kev ntsuam xyuas kev noj qab haus huv fab kev cim xeeb yuav tshuaj xyuas txog cov tsos mob ntawm tus kab mob Alzheimer los sis kab mob hlwb qauj.